

کلمہ طیبہ

اون بش کونده بر نشر اولنور دینی ، علمی مجموعه اسلامیه در

صاحب و مدیر مشرتابی

ابو العلا زین العابدین

تاریخ تأسیسی

۱۳۳۰

عدد : ۷ ۲۵ شعبان سنه ۱۳۳۰ پنجشنبه ۲۶ تموز ۱۳۲۸ برنجی جلد

تصحیح

بشنجی نسخده تراجم احوال قسمتك اونجی سطرندہ عیلم الزاخر واون اوچنجی سطرندہ : والعیلم التیار واونوزنجی سطرندہ : مؤلفین عربدن جملہ لرنده کی سہو ترتیب بصورتہ تصحیح اولماید .



حقوق

قانون اساسینک اوتوز بشنجی ویدنجی و اوتوز سکزنجی ماده لرینک تعدیلاتنه دائر مجلس مبعوثان انجمن مخصوصی مضبطه سی

— مابعد —

حکومت ینہ ماده مذکورہ نک تعدیلاتی تکلیف ایدر ایکن فسخذن صکرہ طوبلانہ حق اولان مجلس جدیدک وضعیت ومدتی حقندہ بومادیه بوجه آتی فقرہ نک علاوه سنی تنسیب ایشدر :

« مجلس مبعوثان فسخ ایدلیدی حالہ اوچ آی صکرہ اجتماع ایدہ جک اولان ہیئت جدیدہ ہیئت سابقہ نک مدت اجتماعیه سنک بقیه سنی اکال ایدر . واسباب فوق العاده دن طولانی تمدید ایدلیدی تقدیرده ایلک دورہ اجتماعیه سنک مبدای اولان تشرین ثانی ابتداسنده تکرار طوبلانق اوزره تعطیل اولتور . »

هره قدر فسخذن صکرہ طوبلانہ حق مجلس ایچون تأجیل حقنک استعمالی فسسخه قارشو اختیار ایدیلن اک قوتلی تأمیناتی محل اولق اعتباریه غیر وارد و بناءً علیہ - اوچ آی صکرہ دکل زیر بومدتی درت آیہ ابلاغ ایتدک - درت آی صکرہ مجلسک طوبلانمسی غایت طبیعی ايسده تأجیلک هر درلو اجتماعاته شمولی اولق . لاحظه بعیده سنی دخی برطرف

ایچون فسخدن صکره کی مجلس جدیدک تأجیله تابع اولدینی تصریح اولنق مرجح کورلشد.

بوتأمینات قانونیه نک وضعدن صکره مجلس جدیدک وضعیت ومدتی انجمنزجه پک زیاده تدقیقاته محتاج کوردی . اول امرده بومسئله - اختلافی ومجلس سابقک فسختی استلزام ایدن احواله قیاساً - انجمنزک ومجلس محترمک مستعجلاً ومسائل سائریه تقدیماً دائرة تدقیق صلاحیتی داخلنده می ایدی ؟ انجمنز بوقطعه به بالا تردد اوت جوابی ویرر . قانون اساسی حاضر فسخدن صکره کی مجلسلرک مدتی وماهیتی حقنده ساکت اولدیغندن بوسکوتک برمعنايه دلالات ایتمی ضرورتی آنجق ۳۵ نجی ماده بوزندن ظهور ایدن اختلاف اوزرینه شمعی طویورز . بناءً علیه فسح اخیر قانون اساسی به ارتق بوسکوتی محافظه ایده میه جکفی افهام ایتمشدر . اکر هیئت وکلایله مبعوثان آره سنده ۳۵ نجی ماده ده کی اختلافی مواد ظهور ایتمه سیدی بومسئله تحث ایتمه جک ایدی . مقدمات فسختی دور ودراز تعیین ایدوب نتیجه طبعیه سنی برکوه منتظمه به ادخال ایتمه مک مقدماتی نشایچندن محروم ایتمکدر . شوالده قانون اساسی حاضرک ۳۵ نجی ماده سنک صوک فقره سنده کی « فقط هیئت جدیده مبعوثان اولکی هیئتک رأینده ثبات واصرار ایدرسه . . » عباره سندن وبودجه به متعلق ۱۰۲ نجی ماده دن باشلیجه ایکی مهم حکم استخراج ایدیورز :

برنجیمی هیئت جدیده هر حالده اولکی هیئتک رأینده ثبات واصرار ایدوب ایتمه جکفی اظهار و ۱۰۲ نجی ماده موجبجه بودجه بی قبول ایتملیدر . ایکنجیمی هیئت جدیده اولکی هیئتک رأینده ثبات واصرار ایدوب ایتمه مک وبودجه بی تدقیق ایله قبول یارد ایدوب ایتمه جکفی تعیین ایتمک ایچون الزم وضروری اولان برزمانه تصرفه قادر اولمیدر .

بوزمانک اولچوسمی ندر ؟ قانون اساسینک شمعیکی حالده بوکا دائر صراحتی اولمیدیغندن بوزمانک طولانی مجلس حاضر ایچون ۳۵ نجی ماده نک فقره اخیره سندن مستخرج ایشک اولچوسیله وبودجه به عائد ۱۰۲ نجی ماده مفادیله تعیین ایتمک مجبوریتندیز . آنجق کرک ۳۵ نجی وکرک ۱۰۲ نجی ماده دن وکرک قانون اساسینک هیئت عمومیه سندن استخراج ایندیگمز بونتیجه بر نتیجه صریحه وقطعیه اولمیدیغندن بوکا بر شکل صریح ویرمک الک عاجل ومقدم بر احتیاجدر وبوسبیلردن طولانی مجلس عمومی جه بر صورت تسویه عاجله به اقتران ایتمک لایقدر .

آنحقی حکومتک تصور ابتدیی صورت تسویه ایله انجمنمزمك قبول ایتدیکی صورت تسویه آره سنده فرق واردر . بوفرق اولافسخدن صکره انعقاد ایدن مجلسك ماهیتنه وثانیاً مدتنه عائددر .

برنجی نقطه ده حکومت مجلس جدیدی اولکی مجلسك صوك سنه اجتماعیه سنك متممی فرض ایدیور . بوفرض بر ضرورت فعلیه ایچون بر نوع حبله قانونیه fiction légale اولقی اوزره شایان تأمل اوله بیلیر سده بر حقیقت علمیه اولقی اوزره بالطبع جای قبول کوره مز . فرانسه ده واقعا بونقطه نظر قبول ایدلمش ، حبله قانونیه کسوه سیله صورت تسویه بر شکل انتظام ویرلمش وبا خصوص فعلا کده بونک محاذیری کورله مش اولدیغندن اوراده بونک تطبیقنه امکان بولنه بیلمشدر . آنحقی بزده زیرده بیان اولنه جق احتمالاته نظرأ فعلاً بونک محاذیری موجود اولدینی کبی نظریاتجده مردودیتی کورلدیکندن ده معقول ودها زیاده قابلیت تطبیقیه بی حائر بر شکل قبول واختیار اولمشدر .

مجلس جدید مجلس سابقك بقیه مدتی توجیه ایتك خصوصنده کوزه دیان باشلیجه نقطه نظر علمی شودر : ملتك مدت اجتماعیه اعتباریله مجلس سابقدن بر آله جنی واردر ، او آله جنی ینه ملته اعاده ایتلیدر . بومطالعنك مبناسی چور کدر . چونکه مجلس سابق فسخ ایله مونه اوغرامشدر . نه اونک کیمسه دن ونده کیمسه نك اوندن مطلوبی یوقدر . مجلسك فسخی اوزرینه ملتك هیچ برحق ، هیچ بر مطلوبی ضایع اولماز که بومطلوبی مجلس جدیدك پلانچوسنده کی موجودات خانه سنه نقله لزوم کوره لم . فسخ ایله ملت برحق ضایع ایتمز ، بلکه حق اصلسی وکیلارندن کنیدنه عودت ایدر . مجلسده بر مدت تعیین ایدلمسی حاکمیت ملیه نك بر ایجاب علمیسندن زیاده بر ضرورت فعلیه ثمرسیدر وبوضرورت مقدارینی قانون اساسی تقدیر ایدر . قانون اساسی احوال عادیه ایچون درت سنه واحوال فوق العاده ایچون درت سنه دن آرزو یا چوق بر مدت تعیین ایدم بیلیر . فقط مجلسلرك بوعارضی صلا - حبلارندن حق اصلی صاحبی اولان ملتك حق مختل اولمسی اقتضا ایتمز . ملت کما کان حقته مالک کدر و مجلس جدیده نظرأ وضعیتی نهایت بومجلس طرفندن آرزوسنك دها صریح بر صورتده اظهار اولمشندن بشقه برشی دکلدر . عجبا مجلسلارینك مدت اجتماعیه سی ایکی ویا اوج سنه اولان ملک کتارده ملتك متماً دیاً بر سنه حقیقی اضاعه ایدلمش اولیور ؟ کذلک اگر ملتلك حق ایله مفسوخ مجلسلرك مدتی یکدیگرینه علاقه دار وبربرندن لایتنفك اولقی لازم

کلسه دوره انتخابیه سنک برنجی سنه سنه فسخ اولنان بر مجلسک یرینه کان مجلس یدی سنه اجتماع ایتک و ملتک اوج سنه لک مطلوباتی بوصورتله استحصال ایلکمی لازم کلیر؟ بونی کیمسه تجویز ایده بیلیری؟ هان هرملککنده اسکی مجلسده تذکر اولمش نه قدر قوانین و مسائل وار ایسه جمله سنک یکی مجلسه نظراً حکمدن ساقط عد ایدلی و مجلس جدیده انتقال ایده مه می ده مجلس جدیدک مجلس سابقه نظراً بر متمم حقیقی و وظیفه می ایفا ایده. یه جگنی و مجلس سابقک حقیقه بلا وارث و فاتی کو سترمزمی؟ شو حالده اولسه اولسه مجلس جدیدی علماً دکل ضروره و بر حیلله قانونیه اولقی اوزره مجلس سابقک متممی عد ایده بیلیرز. فقط او وقتده بر محذور فعلی کورمه مکملکمز ایجاب ایدر.

ایمدی قانون اساسیمزک احکام عمومیه سنه نظراً مجلس جدیده ولوکه فرضی اولسون بویله بر ماهیت متممه و یرمک فعلاً دخی محاذیری داعیدر. زیرا حال حاضره نظراً هر سنه مدت اجتماعیه بزده آلتی ایدر. یکی مجلس اسکی مجلسک سوک سنه اجتماعیه سنک بقیه سنه وارث فرض ایدلسه دخی بروجه آتی ایکی احتمال قارشوسنده بولمق دائماً ملحوظدر. برنجیمی مجلس سابق برنجی ماه اجتماعیهی انساننده فسخ اولنور، او حالده مجلس جدیده بش آیلقی میراث بر اقیبر و بوصورتله مجلس جدید برنجی سنه سنه اون بر آیی اجتماع ایدر، تأجیل و تعطیلک مجلس جدید حقنده استعمالی امکان خارجه چیقمی ده بشقه... بر مجلسک بر سنه متصلاً و متماداً اون بر، اون بر بحق آیی اجتماع ایتمی احکام معناده توازن و مشروطیتله قابل توفیق اولورمی؟.

ایکنجیمی بونک عکسنه در. مجلس سابق مفسوخ اون بش کون ویا بر آیی میراث بر اقیبر. او حالده مجلس جدید نه بودجه ایله، نه فسخی موجب احوال ایله اشتغاله وقت بوله مادن مدت موروثیهی اکال ایدر. یعنی فسخ قوه تأییدیه و تأمیناتدن محروم بر ملعه حالی آلیر.

ایشته بوملاحظاتی نظر تأمله آلان انجمنمز اول امرده مجلسه بر ماهیت متممه و یرمه می تنسب ایلشدر. مع مافیه بومجلسی وقتندن اول صورت فوق العاده ده اجتماع ایتش بر مجلسه تماماً تشبیه ممکن دکلدرد. زیرا اجتماع فوق العاده یدنجی ماده ده محرر اولدینی وجهه مجلس عمومینک احوال فوق العاده ده وقتندن اول اجتماعه دعوتی معناسنی افاده ایدوب فسخ نتیجه سنه کی مجلس جدید ایسه بر مقتضای قانون اساسی بحق و بلا دعوت و احوال فوق العاده یه

بناءً دکل احوال فسخیه سببیه طولانیتر. دیگر طرفدن مجلسک میعادندن اولکی فوق العاده اجتماعلرک مدت دوامی دخی قانون اساسینک حال حاضرینک نظرأ مشکوک قالدیفندن فسخ نتیجهسندک مجلسه صورت مطلقهده « فوق العاده » وصفی ویرمک بو مجلسک دخی آردهکی زمانه باقیمقصرین بلا فاصله تشرین ثانی بدایتنه قدر طولانیمی کی بر تردلی حالی انتاج ایدیبیلیر، بو سببیه انجمنوز بونی نوعی جنسنه منحصر بر اجتماع عد ایدرک « اجتماع فوق العاده » دکل « اجتماع فوق العاده حکمنده » طومشدر.



مجلس جدیدک ماهیتنه متعلق بونقطه نظر قبول ایدیلنجه بوماهیته کوره بر مدت تعیین ایدلک لازم کیشدر. آنجق بویه فسخ نتیجهسندک طولاننجهج مجلسک مشاغلنی استیعاب ایدمک اوقاتی برقطعیتم ریاضیه ایلک تعیینه امکان اولدیفندن تخمین و تقدیر اوزرینک بر مدت تعیین اولمش و بودجه مسئله سببیه فسخه متعلق مختلف فیه مواد ایچون لاقل ایکی ماه کافی کورلشدر. شوقدرکه تخمین مدته اصابتمک دائماً ملحوظ و قانون اساسی یی یرندن قیبردانیجهج درجهده بر زنجیر ایلک باغلامق منافی احتیاط اولدیفندن بو ایکی ماه مدتک قابل تمدید اولدینی تصریح اولمشدر.

بویکی آی مدتی نه مجلس سابق حسابنه ونهده مجلسک اصل دوره انتخابیه و مدت مأموریتی حسابنه کچیرمک ممکن اولماشدر. مجلس سابق حسابنه بومدتی کچیرمک ممکن اولمه جغنی ایضاح ایدلک. دوره آتییه حسابنه کچیرلدیکی تقدیرده مجلسک مدت اجتماعی ۶۹ نجی ماده موجبنجه درت سنه اولدیفته نظرأ مفسوخ مجلس مقامنه قائم اولان مجلس جدیدک مبدائی هانکی تاریخنده ایسه منتها سده او تاریخنده اولق لازم کلهجک ومثلاً ۱۳۲۸ نیسانی بشنده طولانان مجلسک مدتی ۱۳۳۲ سنهسی نیساننک بشنده ختام بولهجقدر. بعض احوالده بوتاریخ تقدم و تأخر ایدم بیلیر، ونیجهسی اولان محذوره اونسبتده الاستیقیت پیدا ایدر.

محذور ایسه ایکیدر: برنجیمی شوکه بالادهکی مثالده اولدینی وجهله مملکت ۱۳۳۲ سنهسی نیساننک بشندن سنه مذکوره تشرین ثانی سنه قدر بالفعل بالقوه مبعوضتر قالیر. ایدمی اکر مجلس حال طبیعیده برمدته مالک اولسه ایدی ۱۳۳۲ سنهسی نیساننک ۳۰ نده مدت معشاده طبعیه و فعلیهسی ختام بولهجق، فقط تشرین ثانی بره قدر بالقوه دوام

ایده بیله جک ایدی . او صورتده که حکومت ویا مجلس ۳ نیشان ایله ۳۱ تشرین اول آره سنده بعض احتیاجات مبرمه مملکت ایچون دایما اجتماعی تأمین ایده بیلیر .

ایکنجی محذوره بر کره فسخ واقع اولدیمی اوندن سکره بالاده کی محذوره محل ویرمه مک ایچون انتخابات زمانی فسخک تصادف ایتدیکی زمانه تابع قیلمق یعنی انتخابات فصول اربعه مک هر برینه ایجابنده تصادف ایلده بیلیمکدر .

بو محذور لر محل ویرمه مک انجمنمز ۶۹ نجی ماده ده محرر اولان مدت مأموریته خلل کتیرمه مشدر . بناء علیه فسخ نتیجه سنده کلن مجلسک ۶۹ نجی ماده موجبنه درت سنه مدت مأموریتی و ۴۳ نجی ماده موجبنه ایکی آی فوق العاده حکمنده اولان راجتماعی واردر . شو حالده دوره انتخابی لر ایکی درلو اولور : برنجیسی عادی دوره انتخابی لرکه درت سنه در . ایکنجیسی فسخ نتیجه سنده کی دوره انتخابی لرکه درت سنه و لااقل ایکی آیدر . ۴۳ نجی ماده ده (۶۹) نجی ماده یه عطف مفاد قلنمسی قانون اساسی سنک هیئت مجموعه سنده تناقض احداث ایتمه مک مقصدینه مستند اولدیغندن قانونک بو صورتله شکل ومعناسی متمیز برحاله قولمشدر .

ناصلسه اولکی تعدیلاتده طی اونودلش اولان ۷۳ نجی ماده یه کلنجه اونک بودفعه تمامی الغاسی قرارگیر اولمشدر .

۳۸ نجی ماده ده حکومتجه تعدیلی تکلیف اولنان خصوصیاتک دخی اهمیتنه بناء تدقیق بالاده کی تعدیلاتدن سوکره یه تعلیق اولمشدر . ۳۱ مایس ۱۳۲۸

انجمن رئیس ازمیر مبعوثی سید ، مضبطه محرری دیوانیه مبعوثی اسماعیل حق ، ضبط کاتبی حلب مبعوثی علی جنانی ، استانبول مبعوثی حلاجیان ، قسطنطونی مبعوثی احمد ماهر ، طرابلس شام مبعوثی محمد جدر ، استانبول مبعوثی حسین جاهد ، قره سی مبعوثی علی غالب ، ملاطیه مبعوثی توفیق ، حوران مبعوثی رشید طلیح ، طرابلس شام مبعوثی سعاده ، سینوب مبعوثی حسن فهمی ، لازستان مبعوثی ضیا ، حلب مبعوثی حامد ، مناستر مبعوثی نالی ، قسطنطونی مبعوثی اسماعیل ماهر ، ارغنی مبعوثی ضیا ، صاروخان مبعوثی سعید ، آماسیه مبعوثی عارف فاضل ، استانبول مبعوثی احمد نسیمی ، کنفری مبعوثی محمد توفیق ، آیدین مبعوثی یونس نادى ، درامه مبعوثی مدحت ، (بدنجی ماده ده کی « لدی الاقتصا » عباره سنه وبعد الفسخ اجتماع ایده جک اولان مجلس جدیدک مدت اجتماعیه سنک

صورت تعیینی حقه‌ده کی قرق اوچنچی ماده‌نک دردنجی فقره‌سنه مخالفم از میر مبعوثی امانولیدی) ، آنقره مبعوثی نصرت بک ؛ کوتاهیه مبعوثی عبده عزیزی افندی ، کلیسولی مبعوثی حسین علوی افندی ، انطالیه مبعوثی منیر بک ، از میر مبعوثی قارولیدی افندی ، حلب مبعوثی بها بک (ذوات مومی‌الیهیم حین امضاده بولنهامشاردر) .

..

نمبرلی تکلیف اولنامه ۱۰ روادک ۹۳ قانونه اساسیه کی شکلی :

ماده ۷ — لدی الاقتضا هیئت مبعوثانک اعضایی یکیدن انتخاب اولنق شرطیه فسخی حقوق مقدسه پادشاهی جمله‌سنددر .

ماده ۳۵ — وکلا ایله هیئت مبعوثان آره‌سندده اختلاف اولنان ماده‌لردن برینک قبولنده وکلا طرفندن اصرار اولنوبده مبعوثان جانبندن اکثریت آرا ایله وتفصیلاً اسباب موجب بیانیه قطعاً و مکرراً رد ایدلدیکی حالده وکلانک تبدیلی ویاخود مجدداً مدت قانونیه‌سندده انتخاب اولنق اوزره هیئت مبعوثانک فسخی ید اقتدار حضرت پادشاهیده‌در .

ماده ۴۳ — مجلس عمومینک ایکی هیئتی بهر سنه تشرین ثانی ابتداسنده تجمع ایدر وباراده سنیه آچیلور ومارت ابتداسنده ینه باراده سنیه قایانیر . بوهیئتلردن بری دیگرینک مجتمع بولمغدینی زمانده منعقد اوله‌مز .

ماده ۷۳ — باراده سنیه عموم مبعوثان فسخ ایله طاعیلدینی حالده نهایت آلتی آیده مجتمع اولق اوزره عموم مبعوثانک مجدداً انتخابنه باشلانجهقدر .

..

الیرم مرعی‌الامیر اولنامه شکلی مودلی :

ماده ۷ — اونوز بشنچی ماده موجبجه مجلس مبعوثانک اوج آی ظرفنده انتخاب اولنوب اجتماع ایتک شرطیه و هیئت اعیانک موافقتیه لدی الاقتضا فسخی حقوق مقدسه پادشاهیدندر .

ماده ۳۵ — وکلا ایله مبعوثان آره‌سندده اختلاف وقوعنده وکلا رایسندده اصرار ایدوبده مبعوثان جانبندن قطعاً و مکرراً رد ایدلدیکی حالده وکلا یامبعوثانک قرارینی قبوله ویا استعفایه مجبوردر . استعفا تقدیرنده یکی کلن هیئت وکلا هیئت سابقه‌نک فکرنده اصرار ایدر و مجلس اسباب موجب بیانیه ینه رد ایدرله یدنجی ماده موجبجه انتخابنه باشلانیملق

اوزره ذات حضرت پادشاهی مجلسی فسخ ایدم بیلیر . فقط هیئت جدیده مبعوثان اولکی هیئتک رأینده ثبات و اصرار ایدرسه مجلس مبعوثانک رأی و قرارینک قبولی مجبوری اوله جقدر .

ماده ۴۳ — مجلس عمومینک ایکی هیئتی بهر سنه تشرین ثانی ابتداسنده بلا دعوة تجمع ایدر و با اراده سنیه آچیلور و مایس ابتداسنده ینه با اراده سنیه قیایر . بوهیتلردن بری دیکرینک مجتمع بولغیدینی زمانلرده منمقد اولمز .
ماده ۷۳ — تعدیل ایدلمه مشدر .

••

مکرمه ابرینک تکلیف :

ماده ۷ — لدی الاقتضا مجلس مبعوثانک فسخی و مدت اجتماعیهک تأجیلی حقوق مقدسه پادشاهیدندر .

ماده ۳۵ — وکلا ایله هیئت مبعوثان آرسنده اختلاف اولونان مادهلردن برینک قبولنده وکلا طرفندن اصرار اولنوبده مبعوثان جانبندن اکثریت آرا ایله و مکرراً رد ایدلدیکی حالده وکلانک تبدیلی و یا خود مجدداً و اوج آی طرفنده انتخاب اولنق اوزره هیئت مبعوثانک فسخی حقوق پادشاهی جله سندندر .

ماده ۴۳ — مجلس عمومینک ایکی هیئتی بهر سنه تشرین ثانی ابتداسنده بلا دعوة اجتماع ایدر و با اراده سنیه کشاد ایدیلیر . مدت اجتماع درت آیدر . مجلس مبعوثان فسخ ایدلدیکی حالده اوج آی صکره اجتماع ایدم جک اولان هیئت جدیده هیئت سابقهک مدت اجتماعیه سنک بقیه سنی اکال ایدر و اسباب فوق العاده دن طولانی تمديد ایدلدیکی تقدیرده ایلاک دوره اجتماعیه سنک مبدای اولان تشرین ثانی ابتداسنده تکرار طویلانق اوزره تعطیل اولنور .

ماده ۷۳ — قانون اساسینک یدنجی ماده معدله سنه مغایر اولان یتمش اوچنچی ماده سی ملغی در .

••

انجمنک قبول ایشریکی شکل :

ماده ۷ — اوتوز بشنچی ماده موجبجه هیئت مبعوثانک لدی الاقتضا فسخی و مدت

تأجیلیه و تعطیلیه نك مجموعی مدت اجتماعیه سنویه نك نصفی تجاوز ایتمك و او سنه اجتماعیه ظرفنده مدتی ا کمال ایلک اوزره تأجیل و تعطیلی . . . حقوق مقدسه پادشاهیدندر .

ماده ۳۵ — وکلا ایله هیئت مبعوثان آرسنده اختلاف اولنان ماده لردن برینك قبولنده وکلا طرفندن اصرار اولنوب ده مبعوثان جانبندن ا کثرت آرا ایله و مکرراً رد ایدلدیکی حالده وکلانك تبدیلی و یا خود مجدداً و درت آی ظرفنده انتخاب و اجتماع اولنق اوزره هیئت مبعوثانك فسخی حقوق پادشاهی جمله سسندندر . فقط هیئت جدیده مبعوثان اولکی هیئتك رأینده ثبات و اصرار ایدر سه مجلس مبعوثانك رأی و قرارینك قبولی مجبوری اوله جقدر .

ماده ۴۳ — مجلس عمومینك ایکی هیئتی بهر سنه تشرین ثانی ابتداسنده و تأجیل وقوع بولش ایسه مدت تأجیلیه نك انقضاسنده بلا دعوه اجتماع ایدر و بااراده سنیه کشاد ایدیلیر . مدت اجتماع آلتی آیدر و بومدتك ختامنده مجلس ینه بااراده سنیه قاپانیر . بو هیئت لردن بری دیگرینك بولمغدینی زمانلرده منعقد اوله ماز . مجلس مبعوثان فسخ ایدلدیکی حالده درت آی صکره اجتماع ایدر جك اولان هیئت جدیده نك اجتماعی بر اجتماع فوق العاده حکمنده اولوب مدتی ایکی آیدر . و قابل تمدید اولوب تأجیله تابع دکلدر . و ۶۹ نجی ماده ده محرر اولوب درت سنه دن عبارت مدت مأموریتی تشرین ثانی ابتداسنده باشلار .

ماده ۷۳ — حکومتك تکلیفی قبول ایدلشدر .